

Naqqiut

Naqqiut 12. oktober 2017-imeersoq taarserpaa
(*Allannguutissatut siunnersuummik oqaasertalersueqqinneq*)

“Naalakkersuisut AIS19-imi ukiunilu missingersuusiorfiusuni misileraanermut aningaasaliissutinik 7,5 mio. kr-inik amerlassusilinnik, aalisakkanik suliffissuit nunaqarfinni qerititsivinnik sanaartornissamik annertusaanissamulluunniit atugassatut qinnuteqarfigisinnaasaannik immikkoortitsinissamik peqquneqarnissaat pillugu Inatsisartuni aalajangiiffigisassatut siunnersuut. Tapiissutit containerinik qerititsivinnik nutaanik pisinermut kiisalu aalisakkanik tunisasioffiit Nukissiorfinnut attaviliinermut akiliutissaannut, containerinik qerititsivinnik pisinerup Nukissiorfiit naammassisinnaasamikkut annertusaanerannut aningaasartuutitut akiliutitut atorpeqarsinnaassapput. Aningaasanit atorpeqartussangortitanit agguaassinermi piffinni suliffissaqartitsinikkut suliniutinik pisariaqartitsinerit isiginiarneqassapput.”
(Inatsisartuni ilaasortaqaq Peter Olsen, Inuit Ataqatigiit)

Akissuteqaat

(Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoq)

Siullermeerneqarnera

Siunnersuummut saqqummiunneqartumut siunnersuuteqartoq Inatsisartunut Ilaasortaqaq Peter Olsen, Inuit Ataqatigiit, Naalakkersuisut qutsavigaat.

Nunaqarfinni inuussutissarsiornermik suliffeqartitsinermillu pitsanngorsaanaissaq pillugu siunertarisaaq Naalakkersuisut tamakkiisumik tapersorsinnaavaat.

Tunisassiorfinnik ingerlatsinermut isumaqatigiissutinut Aningaasanut Inatsimmi ukiut arlerlugit aningaasaliissutinik immikkoortitsisoqarsimavoq. Aningaasaliissutit taakku tunitsivinnut tapiissutitut atorpeqassapput, taamaaliornikkut nunaqarfinni aamma illoqarfinni mikinerusuni suliffeqartitsinermik pisariaqartitsisuni aalisarnerup, piniarnerup aamma tunitsivinni tunisassiornerup iluanni suliffeqartitsinermik suliaqarnerup annertussusaanik siuarsaallunilu qulakkeerinninniarluni. Periarfissaq tamanna pillugu uteqattaartumik pilerisaarisooqartaraluartoq aningaasaliissutinut taakkununga qinnuteqartarnerit assut killeqarsimanerat Naalakkersuisut ilisimavaat.

Nunaqarfinni isorliunerusunilu inuussutissarsiornermi suliffeqarnermilu ineriartortinneqarnissaata Naalakkersuisut anguniarlugu pimoorullugu sulissuteqarput, tamannalu assut pingaarutilittut iliuuserisatut isigalugu. Taamaattumik ineriartortitaqarnermik tamatuminna tapersersuisussamik agguaassassanut aningaasanik

Aningaasanut Inatsimmi konto 64.01.05-imi ukiuni siuliini immikkoortitsisoqarsimavoq. Aningaasaliissutit kommuni nunaqarfinnilu aqutsisut, kiisalu suliassaqarfimmut attuumassuteqartut allat suleqatigalugit agguanneqartarput. Nunaqarfiit ataasiakkaat pisariaqartitarisinnaasaannut iliuuserisap anguniarneranut tamanna qulakkeerinnippoq. Ukiut tamaasa aningaasaliissutit taakku tamakkiisumik atorneqartarput.

Kommuninik nunaqarfinnilu aqutsisunik, najukkani pisariaqartitanik ilisimasaqartunik suleqateqarluareernerup atorluarnissaa siunertaralugu Naalakkersuisut siunnersuutiginiarpaat, qanoq tapiisarneq pitsaanerpaajussanersoq misissorneqassasoq..

Tamanna tunngavigalugu Naalakkersuisut allannguutissatut siunnersuut manna saqqummiutissavaat:

”2019-imi aningaasanut inatsisissamut siunnersuutip sularinerata tungaanut misiliilluni aningasaliineq pitsaanerpaaq, nunaqarfinni qerititsivinnik sanaartornissamik annertusaanissamullu tapiisarneq pillugu qanoq aaqqiivigineqarsinnaanersoq misissorneqassasoq, Naalakkersuisut peqquneqarput. Misissuinermi isumalluutinut suliffissaqartitsinernut kiisalu aningaasaqarnermut tunngasut ilanngunneqassapput.”

Naalakkersuisut siunnersuutip oqallisigilluarnissaa qilanaaraat.